


南州草堂續集卷一

吳江徐
欽虹亭著



松風餘藁

白雁

欲覓睢梁事已非月明宮漏影依稀可憐團扇秋風後
只向蘆花淺水飛

題喬無功飼烏圖

甍社湖頭碧浪麤荒原宰木有啼烏阿誰粉本傳今日
著個王褒淚眼枯

為許月溪題濤園

草木平泉久已荒
人間無復午橋莊
松濤瀉處雲衣冷
羨爾能開舊草堂

滄浪亭子詩寄漫堂中丞

在昔子美居滄浪
氣味古澹祛浮囂
急買水石作亭檻
高崖翠阜環週遭
靈境早開豁蒙密
無邊風月共逍遙
有時興酣偶落筆
橫絕四海稱詩豪
追維往事遂終古
幾經興廢悲沈寥
地幽徑仄人罕到
荒寒灌木鳴鷓鴣
惟我漫堂來握節
一路爭開李與桃
途歌巷哭喜相告

三春草綠粘裙腰
南園樂園地相接
涓涓微潦爭堂坳
中丞了却公家事
看山獨往風脩脩
重脩遺跡更懷古
品評詩格窮搜雕
致君如公原有術
擬登斯世躋唐堯
旋移棨戟陟廊廟
回頭直欲凌煙霄
滄浪滄浪寒且碧
老漁應共來相招
臨風寄語西陂叟
濯足還須讓吾曹
乙亥歲祲長至後
紙窗曝背偶閱六一居士集有

今年遠近大水稼穡何望之語遂集歐詩成絕

句一首

日長漸覺逍遙樂
不似崇高富貴身
我欲四時攜酒去

只憂無米過來春

乙亥臘月六十自壽

等閑一別軟紅塵又向江潭過經春記得東坡詩句好
華胥又見夢回人

青鞵布襪日追遊泡影由來付海漚記得草堂詩句好
微軀此外復何求

才華取與角時賢猶寄床頭手一編記得昌黎詩句好
肯將衰朽惜殘年

回思瀛海困浮沉霜鬢從教日日侵記得石湖詩句好

眼前風物可關心

冥鴻不使雪泥黏偷取閑身意屬厭記得放翁詩句好
熊蟠魚腹豈能兼

千愁已過百年中難換衰顏此日紅記得香山詩句好
尊前勸酒是春風

臘月廿六日同朱竹垞彝尊雨舟聯句

山行未淹旬日歸歲已晏虹亭晨發崦東西疾風吹四

面竹垞俄頃雲溟濛急雨雜飛霰虹亭寒木聲怒號衝

波勢撒旋竹垞舟師劃柔櫓道力與水戰虹亭有如士

先登賈勇色不變竹垞重湖乍超越小舫乃利便虹亭
回看虎山橋亭亭樹葱蒨竹垞沿流逝木瀆峰頂露塔
院虹亭鈴傳越來溪磔響吳別殿竹垞陳迹且莫悲執
友情所眷虹亭言尋二葉堂庶幾暫游衍竹垞詎期冬
潦收水淺石盡見虹亭舟膠不能前我蹠子煩帽竹垞
聯吟倚篷窗剪燭炙冰硯虹亭安得胥口潮盤椒及家
讌竹垞

題西堂老人萬峰探梅圖

振衣已上萬峰頂雲氣都從腳底生自別軟紅塵十大

廿年無夢到春明

相羊萬樹梅花下獨曳孤筇破野煙莫訝閒身今八十

先生已是地行仙綿津山人題老人詩有香山白子取

曰便過百歲何妨遂反其意

贈披雲室老衲

大室披雲住懸崖撒手能一龕消古佛雙眼證禪燈花
氣簷前覆泉聲雨後增肯隨行脚去常自挂修藤

清明後四日門人葉子景鴻招遊郊外踏青用東

坡野步韻

踏青無復問西東祇覺青山襯晚紅去逐狂蜂身尚健
來聽新燕耳猶聰嬉遊里社村庄裏閒過叢祠廢圃中
藜杖先操遲落日蘭橈初試引微風蜻蜓掠水黏絲網
蛺蝶穿花透粉叢急雨頻催過震澤殷雷遙送繞吳宮
時值雷雨未妨歸路泥偏滑且喜沿溪櫂可通莫笑先生真
爛醉浴沂風味與君同

春暮過鹿城偕諸昆季連日賞牡丹次徐瓠叟先

生韻

翠幙春深曲曲遮溟濛細雨濕流霞酒樓已息迴波舞

別院還開傾國花似向粧臺垂紫袖猶疑繡陌擁香車
夜闌羯鼓休頻促笑插當筵帽影斜

蘭膏暗剪蕪華燈婀娜春風喚肯膺房為重臺香已斂
枝因低亞態難勝堆來膩粉遙光滑染就媽紅珠露凝
重整胭脂憑一捻牡丹名紅醉餘消得有安陵

藝初侍御索題素蘭即次原韻

共有當門嘆猶餘空谷香素心渾不改虛室漸生光膏
豈因人熱花疑帶曉霜好教簪白首歲月去堂堂

謁劉龍洲先生暮

先生歿後有西臺慟哭於今亦草萊斷碣已荒祠宇廢
陰厓未改霽煙開嶙峋俠骨依山掩寂寞吟魂趁月來
莫向春深悲杜宇六朝風物更堪哀

書懷

心清宿業捐除久一任閑雲自卷舒大藥難成休鍊鼎
老懷易忘畏觀書人間厚祿非關我世上浮名肯戀渠
只有看花忙不了纔停短棹又中車

揮鋤

種豆南山得少安瓦盆注酒酒杯寬夢回無復思仙掌

老去猶能戴鷓冠未見虎頭飛食肉但知鼠目會求官
人間得失渾閒事却擬揮鋤一笑看

早買

市鉗不共楚人憂早買江邊小翼舟鬢與蘆花同一色

閒來只許傍沙漚

韓翃詩孤
客小翼舟

梅雪戶廣文老而好覺司鐸松陵循循善誘齋廚

荒蕪時至爨煙不舉今已髦年每動歸興用東坡

詩為起句留之

先生依舊廣文貧萬斛胸中氣象新肝胆向人常自吐

眉毛覆眼不生嗔難尋勺漏燒丹決且墊淵明漉酒中
縱使百年同過客也應爛醉甕頭春

廣文好客竟無羶鎮日攤書獨自眠絕調每彈憐綠綺
遺音三嘆有朱絃全無阿堵從人借只有文章與世傳
我更早衰君尚健期君再住兩三年

友人來索送春詩戲題兩絕

村翁昨日討春來不道春來又早回囑付鳴鳩并乳燕
休因春去更喧逐

溪畔殘花剩兩枝小娃也作送春詩總然明歲還來此

且為儂家住少時

題姚氏園

虎邱西去亂山多中有林亭覆綠蘿三徑已開須二仲
可能容我作行窩

高顧諸賢已不存荒祠枉自薦芳蓀有時來看生公石

先叩君家兩版門

姚家錫山乃祖從高顧諸公
遊今居吳門園在虎丘之麓

江髯七十戲為長句贈之

江髯善種
花兼善奕

嗟我今年六十一欲尋老伴未易得猶幸田間能早歸
自笑隨身惟兩膝從來野性逐麋鹿出門恒憂衢路窄

近喜江干百畝寬風物翛然煙水碧況有主人喜栽花
時聽碁聲花下出暮年值此足追歡塵世浮名復何益
因君嗜好與我同遂覺往來無虛日世人但媿鬢眉少
惟君有髯真似戟世人只愛青眼看惟君有眼常帶白
君貌既古心亦然君年少長已七十與君坐隱日日爭
彼此輸贏難自必不如為倩橋中叟呼彼婦姑相對奕
而我與君且傍觀同做爛柯山上石

仲冬四日招同人小飲松風書屋鈕玉樵大令以

詩見貽依韻奉答

擾擾羶蟻間誰能辨勞逸余本崛強人久乏媚世術鬢
鬢復滄浪早謝離坳筆頗耽碁與酒以之消永日逝將
遊醉鄉觴政乃秩秩最愛阮生狂無憂柳下黜垂餌江
潭深世網少牽率朝來逢故人對酒情愈密坐使舊愁
消閒微雅令出雪斫松江鱸香喫洞庭橘從來鄙性頑
休言豪氣溢昨經風是颶今恐星近畢七月風災田間
獲早收婦子宜在室况有松濤聲似欲翻廢帙期君共
追歡分種陶潛秫

題顧罔臨小像顧工寫照今像為周楚揆所畫仿

佛桃花源口

廿年名噪顧長康把卷閒來坐夕陽翻怪此公癡絕處
金針暗度與周郎

武陵洞口略相同喜見桃花滿意紅若許聞身來作伴
祈君添箇老漁翁

鶯脰湖竹枝詞

年來處處少平康枉斷蘇州刺史腸不是繭村村老說
無人知道小娘浜沈繭村有畫眉橋北小娘浜粉面烟
鬟醉幾場之句余愛誦之故云及
酒店溪橋護淺沙長堤衰柳點栖鴉鶯湖一片寒烟織

半是蘆花半雪花

萬家潭口銀魚美滑似莼絲味更鮮堪笑江東老東翰

祇將鱸膾合人傳

題王生遺照

生善
裝池

平生長物捐除盡冀得脩行力半分惟有殘書拋不下
無人料理便思君

盡力刀錐紙簇攢裝池完好眾爭看五牛莊上堆千軸

爾後須防鼠噉殘

生年來半任五牛與
稼堂裝裱法帖故云

舊宅

壞墻西畔野堂紅
十二朱樓一旦空
可惜庭前行馬地
掃門今只有東風

除夕前二日招同人小集松風書屋

歲暮幽栖早閉關
偶逢嵇阮得追扳
不成雞黍難為主
略借詩文小破閒
習氣未能忘蠹簡
浮名今已謝塵寰
肯從曝背翻因話
時與損持館大借
倒度傾筐也不慳

丁丑元旦

遙憶朝元鹵簿開
長楊獻賦幾人來
時清欲奏饒歌曲
玉輦初從紫塞回
聞聖駕於十二
月二十日回宮

衰顏忘却日華東
自笑形骸土木同
猶藉堯天事耕鑿
還從雲氣卜年豐

人日同香山稼室損持勗初飲玉樵書舍

今年人日好
小雨破柴荆
文飲歌紗帽
清談媿老兵
臆
醅真可醉
漚夢不須驚
翻笑持殘局
偏教讓後生
時稼
堂與
奕夫對
奕大負

仲春雨雪連旬八十四翁沈繭村以詩見貽兼訂

上巳之集依韻奉答

欲倩東風浣翅塵
誰知冰雪又兼旬
暖思簷溜消晴日

寒怕江梅負早春
莫盡名經宜鑄佛
拈來妙句已通神
門前柳色參差綠
預擬銜杯及此辰

落拓無人似乃翁
揮毫澆酒興偏濃
官如彭澤腰曾折

翁曾知錢塘嘉善兩縣事
人比香山白更同
解道退身須放達
誰憐

憂國有愚忠
嗟余對爾猶年少
余今年六十二矣翁每對余以小友呼之
長

願相隨擊壤中

貽損持館丈茅筆一枝
枉詩見謝成絕句
兩首答

之

四愁每憶張平子
吐盡江花夢不如
解道包茅能縮酒

誰知縛帚有中書

野史叢殘手自鈔
久無清夢到螭坳
知君銀管修書日
讀易還須藉用茅

後觀奕共絕句效虞山體

鶴唳西風異代哀
楸紋玉子剩殘灰
問君不語誠何事
曾向長安看奕來

塵海真如小劫年
兩人勝負各茫然
夜深已沒西窗月
堅坐猶爭一着先

一穗孤鐘落子遲
斜飛侵角勢難支
局殘尚打連環劫

悔不推枰及早時

自為蠅頭蝸角爭槐根覆轍幾縱橫謝公枉折登山屐
山上原無草木兵

楸枰華角久荒蕪私語中宵有婦姑黑白從來容易辨
攬殘只恐放狸奴

善奕無過王積薪龍拏虎攫竟非真老僧若念乘除句
國手應推第一人

西陽雜俎一行本不解奕因念燕公
宅觀王積薪碁一局遂與之敵笑謂
燕公曰此但爭先耳若念貧道四
白乘除則人人可以為國手矣

駕湖感舊

曾說臺邊舞柘枝而今空見柳絲絲不因重唱駕湖曲

誰識南朝舊總持

梅村有駕湖曲
謂吳吏部也

清明近日梅花始開戲為絕句兩首嘲之

艷紫天紅已作隣水邊纔見一枝新寒梅也改冰霜操

莫笑楊花肯趁人

橫斜疎影鬪芳叢冉冉香魂墮碧空羨煞孤山老處士

肯隨桃李嫁東風

由虎山橋抵同坑草庵作

兩崦重湖接扁舟渡此橋閑鷗迷浦漱茅屋指山椒出

淡煙鬟亂高低香雪飄
得棧遲落日芒屨試來朝

萬峰臺觀梅憶樵水稼堂

萬峰頂上一孤藤
歲歲看梅我獨能
垂老風情猶跌宕
入春冰雪幾憑臨
白雲斷處湖山失
晴日烘來花霧凝
為憶去年香國裏
若耶居士五牛僧

八十翁願樵水自號若耶居士

三月廿二日挈榼招同人游集郊外

自笑顏非舊日丹
桃花人面不相干
亂紅飛去鶯聲老
淺綠濃時草色寒
何處酒壚堪痛飲
誰家庭院好憑欄
還期倒醉同山簡
只恐兒童拍手看

閏三月三日師魯招同人從雅集北山草堂拈韻

得微字

身同海鳥久忘機
蓬著園林使歎癡
屣履心情容易改
鬢絲顏面早難違
聽歌歷歷拈紅豆
對酒茫茫指翠微
被禊喜當三月閏
一年兩度送春歸

家瓠叟先生見貽新詩追話舊遊忽忽二十九年

矣率句奉答

塵海茫茫小劫如
追遊還記廿年餘
賈生未許陪前席
齊客曾同醉後車

已酉庚戌間余在東莞眼底浮雲雖

易換心中膠漆本相於何期共扣西州路祇剩香山履

道居時與叟共尋壻園及北山草堂諸勝落向傷司

分時昨歲花前醉白髮添來又一年記昨春心遠堂賞

不畏愁腸生易割但知狂態又逾顛山客入畫羞眉黛

鳥語違春勝管絃更欲與翁謀痛飲典衣好挂杖頭錢

輕圓看花三絕句示章仲比部

杖藜裹飯與腰鎌為愛春深筍蕨甜小暖輕寒圍紫翠

何愁細雨織廉纖

姚家較勝左家時今年紫牡丹獨勝歐陽步障層層壓

紫絲圃中藤花滿架縱有紅塵飛不到花前憶煞老宮

師思宮詹果堂叔

樹頭鳩婦喚晴來漏日濃雲濕不開挹取露華傳玉筆

紅闌綠水好徘徊

藝初侍御設廣筵於北園奏樂實花少長咸集分

曹角飲即席成句

高低酒戶自分曹絲竹聲中興轉豪數樹藤陰垂紫綬

一溪草色染青袍唐時惟御史着青袍故行歌我欲埋

長鑪醉客居能壓小槽賴有名花開次第可無佳句寫

江毫

瓠與招飲出示新詩題四絕句

才力能驅碧海鯨蘭苔翡翠自縱橫生來不拾西江唾
直向香山頂上行

噩夢醒來又十年醉吟無日不陶然與翁共捩霜髭斷

爰取新詩較昔賢

淺紅濃綠已參差正好花前酌一卮莫把心肝雕雜碎

世間能有幾鍾期揚誠齋題陸放翁詩云雕得心肝百雜碎依前途轍九盤紆

遙隔吳淞江上村小舟一夜到柴門鮑魚蝦虎堪供饌

有約還呼老瓦盆

靈岩輪公以詩見貽奉酬兩首

春明一夢久迢然禪榻重逢十九年鹿苑聽鶯聲漸老

琴臺奏曲響空傳看山自愛芒屨好飛錫無如竹杖堅

堪笑儒門收不住翻從四眾領諸天公舊為諸生

火色鳶肩久未逢依然相對兩衰翁公於湘漢間十年戎幕花開

路口如迎笑亭傍山坳是落紅迎笑落紅皆亭名石火光中

思過隙寒香影裏坐高春知公好比王摩詰圖取閒身

入畫中公曾為余作扶策圖

為西堂老人八十壽老人自壽詩云願借滄浪作

酒樽即用為起句

願借滄浪作酒樽試移布鼓過雷門裝成野服衣冠古

翁新製角中方祀奏罷釣天笑語喧翁有釣天樂一部堂畔看雲辭畫

錦看雲草堂庭前駐策有高軒鳳毛池上人爭羨菜線於今

歲歲翻

願借滄浪作酒樽笙歌隊裏度朝昏人遊洛社耆英會

翁與雲問玉峯家傍南園烟水村松老無風韻自古鴻

冥得路爪无痕白頭真識老名士天語傳來荷主恩吟

每呼翁為老名士

八月十四日念修七來招同友人虎邱泛月筠軒

有詩見貽即次原韻

良辰久值可憐宵爭擁遊人似海潮衰憊懶攀吳苑柳

輕盈尚憶楚宮腰數聲羯鼓聲嘈雜幾簇華鎗影動搖

詞客眼前推二妙不愁猿鶴去難招

附程筠軒原唱

蠟夜中車競此宵喧喧絕似湧春潮酒旗喚醉傾藍

尾歌譜偷聲鬪綠腰襯月秋燈光歷亂穿林塔火影

飄搖祇愁猿鶴驚相避試作清詩共一拾

十八日在湖看串月

纔過中秋月正圓西風忽送雨廉纖華燈簇處搖煙水
綺席開時散管絃妙舞祇宜天上有清歌偏向此間傳
不愁此髡年年改醉倒今宵為玉船

寄題草草山房仍用西堂老人原韻

拋却看雲舊草堂新來聞築數椽忙射簷晴日消長晝
拂面松風醒醉鄉高枕底須驚逐鹿投閑便作補亡羊
三間五架無餘物剩有圖書滿一床

山房草草已初成野服新裁歲又更願借煙霞供拄杖
喜敲泉石煮茶鐺肯爭龍尾道前直却愛溪橋雨後平
閒禮金仙深夜坐夜深好與話無生

羊虎何勞做一淮北印衰草未須哀優閑便是登仙錄
富貴誰能避夜臺今日纔看揮淚別明朝又聽嘯歌來
何如且索梅花笑笑向檐前日幾回

水北山南一徑斜與經地界結籬笆設扉欲護過牆笋
汲井先澆繞砌花社酒濃時如玉腋香秬搗就勝胡麻
由他牛豨床前鬪只作天邊走雷車

題尤滄湄館大垂竿圖

瀛洲歲歲起西風不似蘆花淺水中
拔足偶然坐盤石一竿且自付兒童

長至日愴園小集分得青字

六壇葭灰動陽谷避曜靈寒飈流素影
遠岫疊遙青一觴仍一詠佳客如聚萍
喧譁雜碁槩列坐羅邊劍兼聆絲竹
內官聊入空冥談諧乍酣暢授簡紛前
庭凡茲年少客虬光發新硯嗟我老啞
羊懸鐘而撞建號寒笑縮蝟高屋喜
建瓴材短冀添線日長好揚舲時買臣曰卜

其夜不怕城門高

家瓠史餉油豆腐走筆謝之

慣嘗采飯了殘書頗厭鱠花玉不如今日淮南得遺法
教教回去點冬羶

迂疏誤索長安米曾被侏儒笑不堪幸喜家常有滋味
百年粗糲性偏耽

南山種豆謝朝暎果腹長眠手自捫一味回甘賽酥酪
肯教大嚼過屠門

羹臠點酥得未有亟將方法與山廚從今不設東坡肉

翻笑何曾海陸俱

南州草堂續集卷二

吳江徐 鈞虹亭著

松風餘藁

戊寅首春八日澄江途次東同年曹峩眉祭酒
一過青陽市連村野竹香江雲粘凍雨茅店出頽牆轉
憶前年別猶憐舊日狂宦緣雖覺淺道味獨深長

附峩嶺和

泥融春菜美雪散臘醅香久別看新白長歌認舊牆
虹亭借稼堂間石題紅塵同晚晚白髮兩清狂不盡
漫園長句猶粘在壁

飛揚意圍碁竟夜長

閑來枯坐久虛室領肥香道德夫何有詩書竟面墻
貧憐知己共老說舊遊狂宿習君猶在文編一尺長

虹亭見示其
全集三十卷

和九老人韻為墻東先生壽

而我俱非老壯日霜髯雪鬢復何疑只憐隨地風光好
休羨中朝金紫為坡老舊曾悲絡秀香山自昔遺楊枝
人間得失安須問造化由來屬小兒

與兩浙運使李述修前輩

為憶詞臣出牧年爨煙常斷釜魚懸休言運蹇妨時命
自有精誠格帝天清苦久知羣望協光華近荷主恩偏
請看使節來湖上蘇白於今未獨賢
油幢熊軾駐杭州暇日應登望海樓曾共龔黃書上考
肯從桑孔較前籌如環山色堆青黛似水匡心玩白漚
身是江潭憔悴客因君半晌此勾留

將有西南之遊道經武林留別浩軒司空

劇憐老作諸侯客猶買西南水上航花信風柔人問渡
蘭江春暖燕梢橋向禽有累節難曳元亮無糧鉢可將

公等濟時布稷契野夫歸與話耕桑

江上雜詠

兩岸青山送遠行
忘機久已狎沙渚
可憐雙鬢今良白
又過春江第一樓

無數煙鬟山遠近
兩行濃綠樹參差
眼前粉本無人識
却向當年問大癡

桃花似水鴨頭綠
螺髻山如佛髮青
柔櫓數聲鷗睡穩
遙看木末起孤亭

淼淼烟波去路遙
羊裘五月好風姿
休言漢鼎無人繫

剩有桐江挂一絲

雉堞全無沙路長
城根繫纜鎖垂楊
東坡枉費花豬肉
未識蘭溪蠟版香

彈丸姑蔑如天上
截嶺分江鳥道邊
此地承平已廿載
還憑遺鏃話烽烟

雨中陳北溟招同若谷兄小飲署齋

顛風急雨濕行裝
剪燭官厨話慨慷
為政只須誇茂宰

開樽爭喜共柴桑
溪山入畫琴能譜
花鳥逢春橘有香

閩海追尋楚此愁
聞鄰笛起山陽

時話故友李山
崔歿於臺灣

題詹南屏南山圖

南屏蒼翠影龍從人在黃花栗里中
值得悠然坐相對
先生原是一詩翁

再為南屏題宋中丞羅山人匡廬詩畫卷後
幾度推篷揖五老無從登陟影空濛
而今始識廬山面
翻在煙驅墨染中

舟過臨江戲東李述修前輩

蕭灘南去訪魚磯碧嶂亭空畫掩扉
為報臨江舊太守
有無公是與公非

廬陵道中

沿緣不斷小龍從難急篙橫處處同
鳥為雲深愁出入
路緣山轉失西東
滌泥淺愛沙洲白
斷礎全無野寺紅
回憶龍潭兼虎穴
也曾經過一衰翁
時泊龍潭夜深聞虎嘯

自高壘至攸縣作

跳珠濺沫影空濛
灘急篙橫耳乍聾
急起推篷嵐翠滴
一江穿入亂山中

水車行

瀟湘水車製作殊
截竹為筒似笙竽
團團架腹百輪轉

低空直挾洪濤趨晴日禾苗槁欲死須臾數頃咸沾濡
江南桔槔吾舊省河北轆轤垂斷綆豈意楚人更機巧
要知水激還相逞從今寄語漢陰叟無用勞勞汲深井

湘江書所見

雨餘江漲未全清野岸紆迴帶晚潮斗大孤蓬浮水面
沿流箇箇截魚苗

楚人伐竹為方柵浮水面架短篷收魚苗

衡州道中

兩槩西浮不記程篷窗時聽斷篙聲崎嶇詰曲山千轉
格磔鈎輞鳥數聲晴旭照人猶黯淡水烟如霧未分明

橫

橫

愁聽笛裏南征調吹向蠻江送遠行

湘神廟

楚岸多祠廟帆檣入暮春野花留襍佩石鼎少纖塵夜
欲號山鬼朝看薦水萍蒼梧雲不斷浪竹染逾新

將至永州

瘴雲千疊草萋萋相轉帆隨路又迷蠻鳥不須終日喚
此身已在萬峯西
沿流岸岸石屏風噴雪跳珠乳竇空鬼斧何年費鏡鑿
要將銛鍔鬪蛟龍

門人梁子叔彌宰東安過其署中以詩示之
龍鍾雙鬢久鬢髻記得曩時忝絳紗宮錦紅綾渾似夢
芙蓉綠齒底須誇憐余曾歷千層浪愛爾新栽一縣花
慚愧子雲頭盡白廿年辛苦問侯芭

高山寺

東安縣西郊外

寺倚高山山不高陰陰夏木俯空濠奔淙繞郭雲常合
細路緣江草未孀重整精藍思浩劫新開禪室少塵囂
喜從下界聽鍾梵遙指飛虹接巨鰲

與汪晉賢郡司馬

吾友四汪子

純翁蛟門舟次東川

放厥瓊瑤詞具道其宗人慙愧

多權奇餘波饒綺麗風騷徒爾為同時潘稼堂少小負

雄姿當其失意日亦復托相知慚余已衰謝曾未奉讀

眉每每從文壇喜誦汪倫詩百年香艷體新翻樂府辭

花間與蘭畹髣髴時見之榻束銅柱南火雲多參差羅

浮蝶未到庾嶺書來遲

時將過粵東

幸從官閣暇獲親風雅

師分疆劃唐宋張點笑羣兒再覩清新詠論文更不疑

七星巖

域中山水奇粵西為第一拔地攢萬筍排空架千筆無

洞不透瘦無巖不萃律恍如巨靈鑿對此心魂失我來
當盛夏維舟倚巖壁凌晨躡芒屨短衫穿過膝策杖姿
幽探冥搜窮石室羽客道我前宛轉棲霞側崖谷益陰
晦列炬方可入變幻若蜃樓神鬼信難詰縱復工擬議
詎能述所歷驚懼徒茫然造物真戲劇舊曾遊端州星
巖亦名七若欲置品題此甲彼其乙廣東肇慶亦有七
星巖此為最勝
為浮羅山人題杜_于皇蔣前氏書畫卷
廿年曾記宿長干蠟屐同登木末寒秋蚓春蛇忘不了
遺踪猶向畫圖看

登五層樓

五層樓觀倚雲開芒屨新從萬里來自昔侯王都負販
而今宮井半蒿萊虎門日射羣陰散鼉背風清眾壑展
歌舞消沉人不見一杯遙酌尉佗臺

題鄭子源丹子

割取子雲才一片煩君為我試雕鑽此鄉寶玉今難問
何必猪肝勝馬肝

陳紫宋香曾入口疑冰挂綠也都嘗從來尤物難分辨

黛葉緗枝費較量

閩粵人各鄉其鄉為之解紛

寺寓與小禹山舍相近陳元孝屢期月夜過從苦

為雨阻以詩見貽依韻荅之

未見擔牙流素魄翻愁螢濕草蟲鳴雨驅炎氣消三伏
風送濤聲滿一城珠浦沉沉移蜃戶稅田處處走雷聲
稍晴步屐思相過月黑今宵不可行

與鈕高明 王樵

百里頻相借炎荒政又傳地應殊漢俗花惜種蠻天豈
有膏脂潤誰私雨露偏逢人曾說項馴雉十年前 君前

令城

不失為儒吏詩書志豈孤禽能聽磔格語不厭阨隅懷

縣花雖滿安仁鬢已殊姬人恐相笑休鑷白髭鬚 君新

盤錯終何補勞勞天地間舊曾官白水今喜對青山 君

為白水令今高 腰已遭三折丹湏鍊九還廉泉雖可酌

未必返朱顏

鬼瞰何須慮 詹云高明之家鬼瞰其室 金魚塵更清途雖防蹭蹬官

不負高明橘柚紛千樹人煙滿一城雙鳧今繞膝依舊

聽琴聲

與李惠州默稼

休說蓬萊閩苑中小西湖比舊新豐雨隨瘴海波偏潤
曲奏蠻兒調轉工萬樹梅花飛蛺蝶惠州梅花村四圍
嵐翠滴簾櫳隴西太守風流甚不美當年蘇長公李善歌劇

贈黃積菴

喜從物外樂天真庭葯欄花觸眼新欲覓丹砂初試鼎
迴看滄海已成塵登高尚可支卸杖醪酒還能墊角巾
莫向床頭辨牛螳昂藏野鶴是閑身積菴頌然而長耳重聽

幻雲樓

珠浦月沈夕黃灣木落初人看看變幻旅況任蕭疏出

岫原無意隨風信卷舒登樓長嘯後歸去老樵漁

問鶴亭

一自離繒燬頻年玩海鷗但知依野岸無復問瀛洲沙
暖應思睡天空欲破愁平生湖海志不為稻梁謀

五羊太守郡齋即事

海南香試拭蠻牋蛺蝶宮移勝往年齊向畫眉窗下看
風流刺史卧花田

懶梳義髻學新聲涼露初流桂魄明一曲香山繞奏罷
吹笙又得董雙成

瑤草琪花豈易栽，洞門久矣鎖蒼苔。
局殘尚作斜飛勢，欲賭宣城太守來。
鼎邊甘作守丹人，偷取瓊漿未入脣。
倘許猪肝分半片，無妨為爾脯麒麟。

九日梁藥亭陳元孝王蒲衣諸公雅集光孝寺訶
林余以他阻未至，諸公仍為余拈韻得燕字，明日足成之。

茱萸遍插繞花田，北鴻初飛南海邊。
客鬢已疏防落帽，酒懷欲放怕逃禪。
逢秋影瘦驚籬菊，入定鐘殘冷暮煙。

笑說吟壇三舍避，都緣老將盡幽燕。

十九秋詩

秋原

獨立荒原上，風吹露氣清。
兩行寒雁入，一片暮雲平。
地迥宜疏放，林空少送迎。
翻憐野燒急，狐兔亂相驚。

秋瀑

瀑布響前檐，冥冥細雨沾。
流從千澗底，界破萬山尖。
噴雪聲何壯，跳珠勢轉嚴。
恍如隨玉女，飛下捲晶簾。

秋鏡

形影憑誰用，相看似霧中。
顰眉怨膏沐，搔首歎飛蓬。
苔蝕上花碧，霜侵夕照紅。
從拋團扇後，終日掩青銅。

秋燈

疏雨滴黃昏，涼颼早閉門。
青燄繞一穗，香靄隔孤村。
鑿壁光微透，飛蛾撲又喧。
朦朧遮老眼，相對坐無言。

秋琴

露冷玉琴張，桐陰短過牆。
寒輝流素節，苦調激清商。
慘淡微雲白，蕭疏落葉黃。
成連在何處，海水正茫茫。

秋煙

蘆浦燃湘竹，輕漚避野烟。
微籠兩岸柳，淺抹一溪蓮。
淅淅江淨荒，荒夕照懸。
五侯家散入，如夢記當年。

秋蝶

欲采羅浮蝶，秋來到五羊。
仙人不可見，粉翅已先藏。
但有莊周夢，曾無陸賈裝。
何如三徑好，叢菊尚餘芳。

秋漁

箬笠今方戴，浮家信短篷。
投竿迷海岸，失路笑漁翁。
瑟瑟蘆花渚，茫茫碣石宮。
扁舟且歸去，我欲釣垂虹。

秋獵

回首暮雲平荒原殺氣橫
黑雕盤絕漢黃犬出孤城
露冷秋何肅羅張夢亦驚
只愁飛走盡春草又還生

秋樓

銀蟾涼似水今夜入西樓
素手彈瑤瑟清輝滿玉鉤
五更寒雁過千里暮烟收
砧杵聲何急登臨動客愁

秋屋

我欲牽船住柴門鎖不開
青蘿緣戶繞紅葉帶霜來
席薄風難卷沙虛岸易推還
期賦茅屋送老白雲隈

秋戍

吹角近黃昏炎州古戍存
殘烽限嶺表烽火接中原
不向龍堆轉還如雁塞屯
廿年戎馬後恐有未招魂

秋箏

黃箏先秋冷瑠璃勝錦茵
有時鋪月影無處受花塵
不負挑笙約誰憐玉體陳
早知搖落易綠鬢悔初勻

秋衫

自脫朝衫去逢秋製芟荷
稱身腰窄窄揔袖舞僂僂
素袂揚纖絡輕容襯薄羅
江州司馬在添得淚痕多

秋塘

瑟瑟銀塘路扁舟向晚行好依寒鷺宿愛共野鷗盟水
與遙天接雲從極浦生斜陽一片織衰柳倍含情

秋帘

愛向壚頭醉時傾老瓦盆萬中容易澆白月最難捫小
飲添蕉葉微酣倒竹根短帘茅屋曳不是杏花村

秋寺

黃葉前朝寺西風夕照邊閉門思養拙洗鉢欲隨緣雲
鏤沈清磬厨荒冷爨煙芒鞋許高挂趺坐學棲禪

秋菜

讀書秋樹根風蔓夕牽門籬脚霜莖脆瓜棚圍父尊羸
牛欺敗葉蚨蝶趁朝暾小摘宜清露流匙滑欲翻

秋社

欣然從里社拄杖落清暉燕欲辭巢去人今割肉歸鴉
翻紙灰濕香冷稻花肥不待田功畢先農歲屢祈

梁樂亭太史出十九秋詩索和和成題二絕歸之

侍直蓬山已白頭如君才調尚風流未應憔悴同遷客
何事閑吟十九秋

珠江日落海雲黃秋雨秋風憶故鄉垂老猶來衝瘴癘

誰憐窮鳥滯南荒

附梁佩蘭藥亭和

蓬萊宮殿列班頭君是詞臣第一流欲上羅浮觀日出
特來天外度清秋

日射寒雲海氣黃誰從風物識蠻鄉騎龍控鶴朝天帝
也下人間俯大荒

天下皆秋而嶺海獨異木不落也霜不凝也徃徃

初冬始似中土之秋故嶺海非無秋也秋遲也

梁子藥亭偶拈十九秋詩適虹亭太史來遊羅

浮奮筆同賦諸公之客於斯者復翕然和之是
合天下之秋以為秋不獨嶺南也虹亭所作老
氣橫絕如寒松古栢不以華艷爭長漆園云受
命於地惟松柏獨也在冬夏青青是豈可以南
北土風四序寒煖限之哉觀虹亭詩當作如是
觀粵東陳恭尹識於小禺山舍

遊羅浮述懷二首呈魯方伯

我生百年內兩次踰嶺表舊遊昨日耳羅浮惜未到以
茲愧山靈每為達者笑今來途益窮更兼長與耄延頸

四百峰舊欲往登眺
傍人憐我癡相勸
勿數棹或言山荒涼
或言路險與我志已堅
決勿為衆所撓言買蛋人
船帆過南海廟遙見老人峰
拱揖若相召萬仞削青蒼
千巖排空峭狂吟興難遏
斗酒自慰勞去抵丹竈泥雞
犬或可效

行行陟重岡山峻杳難攀
週迴三百里羣峰浮其間
瑤臺衆仙集彷彿織煙鬟
青羊俯道傍白鶴時往還
其餘諸虎豹一一皆當關
嗟余逆旅人烏能試追扳
既愧囊橐空况坐腰脚頑
青鞋纏布襪咫尺猶險艱
穆穆維魯

侯貽我金一鑲以之辨芒屨
飛步海上山玉女粧翠黛
麻姑獻碧環峰頭五色雀
向客鳴嘈嘈山靈足狡獪
詭異誠多般一攬嘆難盡
此緣幸非慳

將至惠州

亂山環一塔遠水接平沙
曲曲溪流轉村村巒語
譁殘蘆鷺點雪老樹匝棲鴉
無數煙鬟立臨流看晚霞

登飛雲峰頂

羅浮似蓮花花瓣紛難數
此峰乃蓮萼特立無與伍
方頂出尖圓平曠闢堂斧
無雨常出雲有日驗亭午
瀾漫

烟霧開衆山奇可觀
戔削玉女纖僂倭
老人俯青羊地
下蹲白鶴雲中舞
蝦蟆與蝴蝶萬狀
唯所取從來閱神
靈臨眺不敢侮我
負七尺軀勞勞汨
塵土芒鞋躡嶠嶠
猶幸脫簪組倘不
躋此巔有目及類
瞽遂畏十日糧捫
蘿力愈努撥雲窮
其頂屏開見廊廡
如抱亦如環支派
分幾股積劫浩茫
茫碧海際寰宇天
雞時一鳴夜半火
輪吐曠哉此境奇
恍忽游太古骨凡
擬尋真又被罡風
苦扶筇急下山悄
然心獨悔揮手謝
山靈我夢方栩栩
宿華首臺訪塵異
大師不值

廿年夢想羅浮頂今日方登華首臺
山作錦屏環翠嶂

寺傍錦屏峰

松生蒼鬣繡莓苔
沈沈明栝經壺靜
寂寂鐘魚

夜壑哀為問錫飛何處去
黃茅瘴盡幾時迴

粵中十月為黃茅瘴

遊冲虛觀

朱明洞口荆棘叢
冲虛觀前雲冥濛
神仙一去不復返
千年丹竈無人封
琳宮紺宇盡頽廢
猿啼鶴怨空山中

黃冠數流更齷齪
蝗此黍粟甘愚情

觀中歲收穀六千石
銅龍銅

魚不可問

觀有銅龍銅魚晉唐物也
頓使福地無仙踪

安得雷火驅此輩
森羅上界開三峰

觀前對上界三峯為絕勝處
使

我年年來採藥憑虛兩腋生清風夜深復覓朝頂臺壇

葛仙禮前隨玉女後葛洪

黃龍洞

洞口無復有黃龍獨向孤青峰挂短筇欲覓降王舊遺

跡天華宮畔七株松南漢劉鋹建天華宮於此宮前種松七株後忽化為老人

見日亭

萬里羸糧踰嶺嶠茫茫黑海浩無垠而今始聽天雞叫

夜半披衣見火輪

西溪

西溪緣石壁曲折上危岡巖畔幽花發池邊藥草香泉

流疑噴雪樹老不經霜嶺南從遙知飛雲頂煙霞繞路

傍

南海神廟進和東坡韻

波羅廟口燔銅鼓回首西風黃水灣廟在黃水灣之東一名波羅廟以達

奚司空所種波羅樹得名廟中有閃閃朱旗翻夕照層

層白浪湧青山晚潮欲落停孤櫂衰鬢新添損客顏猶

喜百靈能效順鯨波不動海中間

別俞子珍木兼示紫凝時余將東歸珍木往四會

倦遊已怪髮鬢鬢粵秀峰頭喜共探
慚愧老餐回去急
輸君終日飽霜柑四會柑
子極佳

南雄旅舍和壁間韻

重過蠻天不記程
纔離水驛又山程
一枝未許鷓鴣借
雙鬢空嗟躑躅行
夢醒槐根猶浪迹
身辭丹禁謝浮名
請看多少鳴騶侶
何似芒鞋一兩輕

度嶺

莽踪又向嶺南回
冒雨衝寒得得來
松影參天依鳥道
榕陰匝地少官梅
蠻方寶玉終難問
瘴海梯航喜漸開

為憶當關諸虎豹
廿年白骨已成堆

萬安縣

繫舟萬安縣灘聲猶聒耳
日出江霧黃水涸灘路徒灘
師揮手去長年坐蓬底
邑小少雞豚時平削殘壘
前山稍夷曠修途轉邈迤
窮冬宜晚開篙纜重整理
甕頭有餘香臍殘應亟啓

南州草堂續集卷三

吳江徐 鈞虹亭著

松風餘稿

自己卯三月至壬午
八月止計五十一首

南巡曲四首

河源未砥柱
湍悍崖宸長
捷竹淇園繞
疏堤瓠子空
負薪填蟻穴
沈玉偃蛟宮
閣視多靈異
從今奏禹功
聖主巡遊日
堯民擊壤迎
翠華臨越嶠
黃屋返吳城
劍撫三邊靖
弓彎百獸驚
一遊還一豫
問俗省春耕
綵仗連雲合
蓬萊瑞氣通
宸遊三月裏
輦路百花中
不

似秦皇日還期浴水同康衢咸鼓腹鳩杖倚東風
人樂昇平會農歌大有年羣黎逢此日萬壽與齊天玉
液調金鼎祥光繞御筵廣歌揚盛事共奏柏梁篇

辛巳四月烏石山房試茶恬菴出示賞村老人追

悼二鴉之作賦此寄慰

槐火新敲煮石鑪旗槍共試省逢迎松風欲瀉牀頭月
澗水頻添雨後聲壯歲已憐如過隙老懷應與話無生
遙知鬢雪千莖白莫為重烏淚更傾

題顧播玉孝廉丹井山房詩集

辟疆池館醉曾眠記與先公別廿年雛鳳一聲清似玉
風流肯釀小斜川

葛洪井畔埋丹竈殘月無多憶曉風一曲朱絃今寂寞
逢君又唱玉玲瓏

題吳寶厓借書圖

謝却螭坳與石渠常將菜飯飽殘書瑯環萬卷誠能借
竊願從君作蠹魚

初夏馮文子孝廉招同竹垞大可暨賢厓層巖諸

子集汪氏園林

赤欄干畔垂楊鎖，倒影亭臺夕照遲。折柬喜能隨舊雨，
啣杯翻自樂新知。黃鸝箇箇新添樹，荷葉田田却滿池。
檻外青山猶不老，濡毫只恐鬢絲絲。

馬君索題南墅書莊賦二絕，白與之。

春明夢斷水雲鄉，日飲繩床檢藥囊。拄杖偶過南墅去，
未能拋得自書莊。

路入仙源少問津，還從遺構想先民。讀書種子雖云絕，
鄉里猶堪見善人。馬家故事

鶴棲堂歌

西堂老人鶴髮疏，八十有二猶著書。口授不與伏生殊，
赤藤為杖手中扶。曠觀直欲天為徒，裁成野服辭簪裾。
六經笙匏藝佃漁，瀛洲蓬島昔所於。至尊南巡

蒼龍法駕迴鑾輿，羣工稽首咸拮据。中有黃耆清而癯，
聖壽無疆臣悃舒。鼓腹擊壤思沾濡，老臣獨效愚公愚。
歡聲喁喁動四隅，顧問侍從與之俱。雲風上下相吹噓，
龍章鳳藻輝門閭。栖鶴以壽為形模，君貺臣受臣負趨。
諸公勿復來獻諛，臣述祖德賦遂初。

顧子畫杜鵑紫蝴蝶二花為言，草舍籬邊得此二

種斐然有感遂題短句

錦障繁華不久存
輸他小卉護柴門
夜深恐有莊生夢
囑付休呼蜀帝魂

題畫竹

垂虹亭畔一衰翁
愛取寒梢竹數叢
輕薄為文休見哂
對君惟恐不虛中

余於三十年前自謂不可一世今年已衰邁轉覺學殖荒落遂書此以誌

者末

桐臯上人以南湖詩句見示書其後

麴塵風細颺橫塘
雙聳吟肩話夕陽
收拾南湖好風景

擔來貯滿一吳囊

題桐齋烹茶圖

新桐乍引換生衣
涼露初流靜掩扉
活火齊烹蟹眼細
與君共淪好忘機

自笑歸田喜據梧
龍鍾鶴髮強支吾
隱囊紗帽今相值
肯羨頭綱八餅無

麥光滑膩閑鋪几
習習疑生兩腋風
羞殺隱侯真斷舌
也將七椀學盧仝

次西堂老人韻挽少宰鼓羨門同年

回憶驢鄉亭子側君歸單舸喜相迎君昔年予苦南遷

下 虹亭 盛名今已推山斗物望終能重帝京歸卧早知封予泛小舟晤於垂

宰樹君言此歸當修築 沈疴無復聽倉庚靈床一慟何

由得空寄哀猿峽裏聲

二月朔日查山探梅集六浮閣分韻得泰字

潭西萬樹梅花光溢湖外我行循筵籬微雨滌輕塹林

間小山霍路轉大澤沛層層嶺磴臨鬱鬱松柏兌傑閣

峙其岨登之發蒙眵地勝心已怡况與羣彦會杓洗箬

下醪厨斫江東繪徵令搜蟲魚聯吟鄙會最秀拔竹千

竿娟妙芝九益詞從詩老覓晴放天公賚雪殘沁肌骨

髻隨消煙靄好景紛欲呈佳句費檢汰俯仰懷昔賢六

浮圖始繪所須才十千此志亦非泰如何締造艱十語

九傷慨因念卜幽居創始真茫昧人生等浮漚樂哉斯

丘最

題京口蔡將軍小照

大纛高懸鐵甕東談兵狠石有雄風豈知抱膝長吟日

猶憶成連海水中

題計布深驢背琢詩圖

絕倒詩人孟浩然常從驢背聳冷肩
輸君收入吳囊裏不用推敲白已傳
記曾烏帽觸西風刺得衰顏一老翁
回首軟紅塵十丈舊遊都在畫圖中

和東溪暇日獨處用皮襲美寄陸魯望韻

昔夢曾分藜火光何如今日掩藜牀
閑拋短策鈔書懶老荷長鏡種樹忙
時余屋後種梅李數十株選勝有時思蠟屐
看花無處不羸糧東風着意搓楊柳
肯唱琅琊大道王桓宣武桓曾
為琅琊結句借用樂府語

題京口馬大將軍收綸小照

金焦鐵甕打潮頭坐擁熊貔又幾秋
都恐經綸常在手主恩未許放君侯

玉河煙樹水湯湯掩却綸竿有底忙
偶爾披圖成一笑可能容我醉君傍

席上留別范敬齋郡司馬

使君暫住水雲鄉早有棠陰繞路傍
欲去方期圖卧轍當歌却又醉離觴
一尊風雨消良夜三月鶯花送夕陽
他日歸來重話舊石頭城下趁新涼

輓同年曹峨嶠祭酒

泥融春底滑尚憶酒壚香忽聽山陽笛中宵幾斷腸
沈同逐鹿得失等亡羊恨未從萬里泉臺更渺茫
昔歲翠華臨同君接短吟方憐悲聚散豈意痛人琴
日圍橋掩今朝夜壑侵窮年頻學道應不歎崎嶇

渡江偶感

布帆無恙破江烟恰喜清和四月天記得棠村詩句好
楊花如雪筍如拳

荆山

一抹荆山揮麈下和已去碧嶙峋從來魚目終須混
多少人間泣玉人

臨懷縣

舟過濠梁畔帆日已曛未能忘將相猶自想風雲
舊第埋荒楚殘碑沒古墳名留青史在遺跡總紛紜

泗州

雉堞平沉後洪流接混茫波心浮一塔崖畔鏢千檣
龜井今何處魚龍勢更張誰能乘四載未真此巖疆

盱眙

青山一髮裹斜陽
犂角平沙路更長
無數雲帆來楚客
幾重茅店集吳商
紅憐鞞轆櫻桃熟
綠賸靡蕪野草香
欲覓山船高卧穩
且辭款段卸行裝

壽州

壽州從古說巖疆
折戟沉沙冷戰場
環楚山川爭險易
驚秦草木半銷亡
翠沉麥壠生衣換
紅綻僧墻穉影長
欲向淮南尋舊隱
八公山色更蒼蒼

至中州漫興

杜詩云老去詩篇
渾漫興一作漫興

油幕霜清夜不驚
澗瀍嵩洛早歸耕
隨車已覺桑林借

按部欣看竹馬迎
自有經綸資密勿
先將籌劃贊昇平
素絲握節凌千古
一笑黃河萬里清

嶽色河聲走豫中
為霖久已貯紗籠
恩膏數被河南北
杼軸全消大小東
吏接春溫霜並肅
民懷化日歲俱豐
太行山色青如染
時有丹書下碧空

回思瀛海昔波瀾
世事還如蜀道難
秋水吟成形
春明夢斷影蹒跚
欣逢聖世庸元老
且向清時賦考槃
幸喜追從寬別恨
對床風雨喜加餐

金梁橋畔大河濱
疲馬行來日漸曛
擬向梁園思授簡

先從嵩渚訪遺文，翻憐萍梗隨雞肋。猶喜荆枝接雁羣。
嗟我衰年頭易白，沙堤早築更期君。

壬午蒲節飲箕城官舍醉後作歌和去矜弟韻

老年懷抱何時開，芒鞋直向嵩山來。遥睇二花隱少室，
羨池雁羽恒飛回。道遠荆枝形影隔，晴日空懷箕子臺。
六載分攜忽相值，對床風雨猶驚猜。夜來重剪西窗燭，
酒鑪綿繆笛聲哀。回首竹林恍昨日，苦教衰鬢行相催。
謂乾也梁園兔苑已非昔，文章何必追鄒枚。惆悵東京
先生也。夢華錄久知滄海易蓬萊，眼底紅花色冉冉，手中白酒

浮醴醴與君痛飲謀盡醉，共吐玉屑羅瓊瑰。牛刀屢割
烹屢試，過都歷塊忘崔嵬。長鯨巨鬣勢恐吼，橫笛短簫
聲相催。沉湘弔沅有何事，無如且吸菖蒲盃。堂隨單父
琴一鳴，長顧却慮猶鯁鯁。痼疾苦久下，問保民奚啻
與嬰孩。弘才簿領豈為困，短歌三匝迴庭槐。我從菰蘆
日洗耳，佇聽大壑鳴風雷。

箕子臺

詩

欲問三仁里，言登箕子臺。荒榛埋斷礎，遺廟沒蒿萊。行
遊誠無計，佯狂亦可哀。空餘補天石，終古自崔嵬。
臺傍為女

天處
鳩補

初夏胡園小集分得七陽韻

五畝鄰園竹樹涼
榴花刺眼殿羣芳
輓轡乍轉垂修綆
壺榼頻移過短墻
夏木轉鶯低按曲
藥苗扶架靜焚香
琴閑偶爾消清晝
親串相携徒笛牀

寄懷章仲

草宿池堂五六年
夢中常似對牀眠
齒衰已自扶藜杖
身病還勞損俸錢
去年承樺燭喜隨水鑑朗峰紗遙憶
玉壺懸深憐白首
梁園客時遊大梁未得追隨聽管絃

偶裁尺素托霜鴻
愛酒應能記此翁
愧我浮踪隨斷梗
喜君清鑒識焦桐
經傳破壁金絲響
碑勒懸崖玉簡空
近喜生徒興禮樂
從茲文運起山東

謁司空湯潛菴先生祠堂

大道已榛蕪
講學恒拘迂
偉哉湯先生
靈苑之醇儒
蚤射金闈策
讀書中祕書
許身於稷契
致主期唐虞
歆歷外臺久
歸卧嵩陽廬
蘇門孫夫子
六經勤畬畝
先生往從之
漸程而沿朱
學貫天人際
品超姚許餘
繪川築書院
絃誦惜居諸
遺榮謝簪紱
優詔促安車
載拜履彤墀

給札領石渠才識冠三長班馬為前驅不久直經筵啓
沃給都俞撫綏迄三吳中孚感豚魚謁謁遍窮壤化與
三代俱唯能本經述澤遂被海隅俄為晉宮唐輔導翊
皇儲稽古桓榮竝舊學甘盤如自蒙宣室召駭機踵前
途履險而習坎寧肯效聶噓抗論益蹇蹇進退猶于于
天王固聖明始終鑿臣愚哲人已云姜正氣猶傍敷嗟
彼訓狐鳥兩眼張睚眦聚鬼與徵妖震熠驚天衢陽烏
侯相照僥倖仍湏臾易若公精靈千載恒不渝余本漁
樵侶曾接公襟裾抽簡蘭臺側執轡時相於自愧真不

才廿年賦歸歎俯仰瞻俎豆髣髴奉盤盂西州涕洟深
策馬為躊躇

觀桃花扇傳奇

節義文章自古傳南朝俠客有誰憐謂阮光祿請看一本桃
花扇不是當時燕子箋

繁臺

蓬澤難尋古吹臺昔年陳迹萎蒿萊黃流曲繞城干堞
碧樹週遮土一堆祠宇空存傳李杜臺上有祠祀李太白杜甫文章
無復有鄒枚故宮禾黍蟬聲咽擬向金仙問劫灰

集侯貽孫廣文齋中與周龍客話舊兼悼雪客
垂老猶思五嶽遊偶尋嵩少渡鴻溝梁園無復開公譙
侯喜偏能佐酒籌欲向殘編搜蠹簡翻憐華屋變山邱
墟邊畏聽山陽笛醉裏欣逢慰白頭

大梁懷古

驅車偶過大梁城搜剔殘碑百感生宋竊煙荒桑海變
明籜水覆濁河傾夷門地近亡朱亥廣武山空少步兵
堪笑玉津園已沒夢華猶自記東京

東馮青門

老衰扶杖衝炎暑今雨欣逢話舊遊青門為樊園翁異
之甥追話及之
代滄桑真可歎百年文獻已難搜河聲曲繞蓬池側嶽
色遙分少室秋倘破拍牽出蓮幕從君一笑且淹留

登奎樓并序

箕城舊有奎樓數十年來毀於兵燹致使文廟
禮成而奎神享祀無所家去矜明府捐俸重建
於南城之上綺戶朱扉與澤宮遙相輝映余喜
而登之漫成一律

小黃河曲繞箕城傑閣嵯峨勝玉京樹報新晴春雨足

樓街積翠遠山橫已知星聚奎當耀却喜風披琴更清
不是頻來能眺望那知處處有啼鶯

京口蔡將軍貽百花酒題絕句報之

籬邊昨夜菊花黃急足緘書慰渴羌洗盞擬從漁父飲
開緘先對馬^軍君嘗

南州草堂續集卷四

吳江徐 鈞虹亭著

松風餘藁

癸未二月伏遇皇上南巡詔復原官兼賜御書感
思恭紀

久安耕鑿賦歸田重識龍顏喜儼然雉尾雲開迎瑞靄
鑾輿聲近繞祥烟退休已自漸衰病跼伏何能省咎愆
豈意天威臨咫尺忽逢溫旨重傳宣

鳳翥龍騰色五翔小臣何幸捧宸章身從雲際瞻天表

墨向螭頭惹御香蒲柳來朝迴淑氣草茅今夜燭榮光
喜逢藻采煙霄下寒碧重吹轉太陽御書詩中有聲
掃碧霄寒之句

題夢裏青山圖

胸中冰雪本無塵畫裏青山夢裏身捉得清風與明月
何妨着爾一閑人

四月晦日桐上人偕朱子行村過訪用盛湖留別
詩韻見贈賦二絕白荅之

廿年拋却一虛舟伴水眠雲已白頭提起螭坳曩日夢
蓬萊清淺惹人愁

昔歲曾牽小翼舟推蓬住在四橋頭老來嘗得風波慣
破浪千重也不愁

題菜羹香圖

肉食人間原可鄙灌園抱甕也相宜堆盤入饌看添綠
賸似何曾下箸時

重陽後伏枕口占

重陽今又過衰病日相侵伏枕難成寐耽書不諱淫低
頭搔短髮堅臥數秋砧五嶽終難問無勞志向禽

題蘆鞭皂帽圖

盧鞭皂帽觸西風紅葉蕭疏夕照中回首長安一西笑
有誰能賦建章宮

題雙柑斗酒圖

瑤田玉界一煙嵐綠染衣裾鬢未髸坐愛深林飛楚雀
況逢斗酒與雙柑

題雲霽南園圖送損持館丈之任興國

盧溝橋下雪督元風酸氣淒切敲鯨軍中抱膝吟回首
浮雲蔽雙闕鬱孤亭上雪玉虹翠浪相明滅一酌廉泉
獨飲之花滿螺亭芬蕙類車中之人意更奇不詠襄陽

驢背詩且喜隨車作甘雨消消見睨柳垂絲

再送損持

雙旌辭故里抗手出承明莫以灘聲急還宜試小烹絃
歌應更好蕉鹿不須驚前席行當台無勞效賈生

題錢十青冊子

衰頹廿載卧郊垆噩夢方殘酒乍醒一曲湘靈來鼓瑟
猶疑江上數峯青

長城當日重錢郎大厝才華遠擅場繼起聲名今更勝
廣陵弦散有君張

花朝前二日同啓東晶初景鴻軒文諸子集豐草
亭用陸魯望花浸春醪挹石缸句分韻得浸字
經句畫苦曠句萌寒欲噤朝來喜放晴信當乍含狂殘
梅點如雪家釀麴繞甕携壺藉豐草聊作文字飲石非
不可激流非不可枕茫茫塵海中沉溺毒於鴆何如搜
六藝刮磨日沉浸諸君實妙年狂瀾猶作堪行當發奇
葩勿似老人喑

秀野園觀燈譙集

秀野園開日掃除好山濃入畫圖虛坐收佳客東南美
人倚南樓上下居火樹渾燒銀絡索冰輪罷碾玉蟾蜍
華堂高會憐今夕擊鉢題襟錦不如

去矜五弟薦舉河南第一已注部曹矣旋奉簡書

出知粵西永康州於其行也為絕句六首送之
宦途翻覆勝波瀾歷盡羊腸博一官桂海虞衡今又志
惟求到處此心安

迴思往事廿年中一曲遊仙調未工今日與君彈別淚

黃茅瘴裏泣西風

余於丙寅左遷被放曾賦小游仙詩
弟與吳元朗俱有屬和之詩

聖主求賢重直臣故將盤錯試經綸粵西風土雖云異

駕鶴驂鸞亦可人

駕鶴山在永康州范石湖
帥粵西著驂鸞集

水似青羅環翠帶山如碧玉挺琅玕遙知靈洞敲銅鼓
也作兒童竹馬看

辭却仙都去紫宸還從荒徼了前因笑他雞犬都飛去
且作天邊守廁人

萬里孤蓬綠甕江暗風吹雨影幢幢臨歧莫賦清魂句
龍走逢迎喜擊撞

重遊萬佛林

甲申十一月

萬佛林中寺重來五十年雲山仍不改桑海屢推遷靈

石荒煙鎖疎籬夕照懸回思龍漢劫碧血已茫然往歲
丁酉
同玉峯葛瑞五長洲陳鶴客文園公過黃介子先生故
園時新闢為萬佛林於今五十年矣重來過此留題壁
上

江上逢長至

旅逢長至日雲物占豐年酒愛三分醉愁隨一線添霜
催臨水樹潮發渡江船衰鬢憐仍在還思敵犢眠時攜
幼子

就試

拈花和尚七十

裁雲補衲守枯藤參破浮生證小乘蝸角自來爭不了

槐根從古夢難憑公今尚挂開堂拂我已潭如退院僧
他日拈花挂飄笠好從細雨語孤燈公舊住虎丘歸老
拈花菴今又坐檣
待方大年已七十猶波波劫劫於叢林中者公之不得
也或謂余不以為壽而以為規未知余與公不以為我為
罪也

次前輩南酌老人六十感懷韻

灑落風期本性生依然不失是孩嬰臨流自適觀魚樂
伐木無煩求友聲仙籍蚤披能邁俗名場久脫為忘情
瑤天笙鶴中霄下肯戀牀頭濁酒鐺
天門風舉豈伶仃三館攤書實飽經托跡豈同齊社櫟

問年合是楚冥靈初衣着得輕文繡名嶽圖成謝汗青
安用採芝兼餌朮逍遙自足享遐齡

占斷南園十畝春鳥啼花落盡芳辰思牛怨李誰家事
白馬清流自有人雨洗銅山饒筍蕨風回葑水長鱸莖

會逢九轉丹成候看插金貂禮玉宸

月午花深曲徑通南酌却在女牆東驂鸞久欲辭僊侶

調鼎何須潤乃公留客品茶秋露白秋露白
茶名登山摘果

夕陽紅井多樹楊柳先生生壙在銅容余把臂投林日勝入雞豚小

社中

送朱貫槎之粵東四首

粵秀山前兩度遊南園詩老最風流六滢堂上如相見
好與重吟十九秋

謂梁藥亭

嶺南物產擅瑰奇香草珍禽列入詩作賦羨君饒彩筆
更將紅豆譜新詞

合浦珠生射斗牛論文高踞五層樓絳紗帳裏生徒盛
應否珊瑚鐵網收

四百峰頭逸興長題詩還覓葛仙房君才亦是羅浮蝶
五色文成小鳳凰

題抱膝圖

抱膝長吟志未舒論文說劍且徐徐才名落拓終難掩
莫戀清泉白石居

壽葉南材五十

俠骨飛騰五十年風流長倚笛林前人推劇孟傾三雅
氣壓元龍動四筵顧曲留賓看曼衍彈碁擊筑醉華顛
知君早有還丹訣不用餐霞去學仙

次和端午前三日招習隱賦詩來却因和原韻

恰好黃梅雨濕時怒濤猶似逐鷗夷翠華剛返閒窗寂

便欲牽蘿補短籬

老衰未許鬪身強
茶竈還輸藥裹良
欲洗一樽消酒渴
如何翻愛黑酣鄉

連朝梅雨又梅風
藥酒分嘗史國公
時以史國公為酒奉餉
便知能守黑肯將筋骨辨雌雄

再和習隱

投老溪灣戴笠簑
一漁五相肯同科
誅茆倘許開三徑
領取薰風日日過

題王孝先小照

靈海春來屐齒紛
偶携雙鶴對斜曛
冰心一片柯人識
只有梅花愛使君

當年我亦泛西溪
箬笠穿雲處處迷
何似今朝仙今過
銅坑深鎖竹雞啼

題王石谷自怡圖

石谷自号耕烟散人

廿年塵夢想耕烟
今喜披圖見綠天
世事渾如蕉覆鹿
與君一笑自怡然

題慎獨圖

達人喜高蹈
君子惟慎獨
虛色生夜光
幽蘭發空谷
白

首好微吟況去塵十斛脩然將長鬚愛此便便腹悟得
無生趣水月繞一掬洞壑有清音無煩竹與肉形影共
蕭然還淳而返樸

壽申斌為七十

鄧尉山前結一庵香茆不剪姿幽探老懷未許甘邱壑
壯志還宜拂劍鐔對麈尾思傾白墮扶筇偏喜看紅酣
翰君七十猶強健愧我而今七不堪

壽沈桐齋七十

自我歸田廬田間五六老鬚髯各蒼然看花姿幽討啣

杯無日虛三徑時常掃邇來漸零落我憂心如擣黃公
舊酒壚只恐終難保東濠有桐齋頭尚未皓皓我長君
一年朱顏已枯槁君猶健如犢每思撲鄰棗牀頭佳釀
孰拾尋亟傾倒有酒期共醉有肉須共飽人生朝露耳
回頭應及早爾我相叮嚀從今省煩惱識得此意真何
必遊蓬島

題雙松圖

春明夢醒卧江濱每愛松風日日親莫笑老翁今七十
畫來猶作兩龍鱗

題念修聽松小照

萬斛濤聲響石涼
科頭箕踞傲長松
知君若做池塘夢
攜手還來問阿儂

題陳傅巖小照

詎合先生老灌園
養疴暫自謝塵緣
坐傾三雅杯浮蟻
門植五株柳帶烟
隔浦栽荷珠滴露
過牆穿筍籜抽鞭
主恩早晚應前席
抗論還如萬斛泉

壽丁宗韓六十

壯志難消翡翠床
忽驚雙鬢點秋霜
開尊已入耆英社

結屋還依履道坊
塵世功名夢先覺
田園樂事話初長
喜看蘭玉盈階茁
池上蹁躚起鳳凰